

**BOSNA I HERCEGOVINA  
FEDERACIJA BOSNA I HERCEGOVINA  
UNSKO-SANSKI KANTON  
GRAD BIHAĆ  
GRADONAČELNIK**

Broj: 06/1-31-1403/19  
Bihać, 04.07.2019. godine

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“ br.3/16), a vezi sa članom 52. Stav (1) tačka a) Statuta Grada Bihaća („Službeni glasnik Grada Bihaća“, broj 13/15 i 13/18) Gradonačelnik u svojstvu predlagača propisa i drugih akata

**ODREĐUJE**

Izvjestioca: Indiru Semanić dipl. pravnik, na sjednici Gradskog vijeća i radnim tijelima po prijedlogu tačke dnevnog reda:

Prijedlog Odluke o utvrđivanju javnog interesa za nepotpunu eksproprijaciju nekretnina radi izgradnje kanalizacije za oborinske vode i ispuštanje voda u zacičevljeni dio potoka Drobinica, Grad Bihać u korist „JU Zavod za prostorno uređenje“ Bihać.

Gradonačelnik  
Šuhret Fazlić

**BOSNA I HERCEGOVINA  
FEDERACIJA BOSNA I HERCEGOVINA  
UNSKO-SANSKI KANTON  
GRAD BIHAĆ  
GRADONAČELNIK**

Broj: 06/1-31-1403/19  
Bihać, 04.07.2019. godine

GRADSKO VIJEĆE  
GRADA BIHAĆA  
- o v d j e -

**PREDMET:** Prijedlog Odluke o utvrđivanju javnog interesa za nepotpunu eksproprijaciju nekretnina radi izgradnje kanalizacije za oborinske vode i ispuštanje voda u zacijevljeni dio potoka Drobinica, Grad Bihać u korist „JU Zavod za prostorno uređenje“ Bihać

U skladu sa odredbom člana 35. stav (1) tačka c) Statuta Grada Bihaća („Službeni glasnik Grada Bihaća“, br.13/15), a u vezi sa članom 183. stav (2) Poslovnika Gradskog vijeća Bihać („Službeni glasnik Grada Bihaća“ br. 3/16) u prilogu Vam dostavljamo prijedlog Odluke o utvrđivanju javnog interesa za nepotpunu eksproprijaciju nekretnina radi izgradnje kanalizacije za oborinske vode i ispuštanje voda u zacijevljeni dio potoka Drobinica, Grad Bihać u korist „JU Zavod za prostorno uređenje“ Bihać.

## O B R A Z L O Ž E N J E

### I PRAVNI OSNOV

Pravni osnov za donošenje Odluke o utvrđivanju javnog interesa sadržan je u članu 14. stav (4) Zakona o eksproprijaciji („Službene novine F BiH“, br. 70/07, 36/10, 25/12 i 34/16) kojim je određeno da Odluku o utvrđivanju javnog interesa za izgradnju objekta ili izvođenje radova na području Grada donosi Gradsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja, te u članu 35. stav (1) tačka c) Statuta Grada Bihaća („Službeni glasnik Grada Bihaća“, br.13/15 i 13/18), kojim je utvrđena nadležnost Gradskog vijeća za donošenje odluka i drugih općih akata kojima se uređuju pitanja iz samoupravnog djelokruga grada i daje njihovo tumačenje.

### II RAZLOZI DONOŠENJA

„JU Zavod za prostorno uređenje“ Bihać podnio je zahtjev za utvrđivanje javnog interesa za nepotpunu eksproprijaciju nekretnina radi izgradnje kanalizacije za oborinske vode i ispuštanje voda u zacijevljeni dio potoka Drobinica, Grad Bihać.

Postupajući po podnešenom zahtjevu proveden je upravni postupak i utvrđeno da je podnosilac zahtjeva „JU Zavod za prostorno uređenje“ Bihać ishodovao pravosnažnu urbanističku saglasnost za izgradnju kanalizacije za oborinske vode i ispuštanje voda u

zacijevljeni dio potoka Drobinica na zemljištu označenom kao k.č. broj 9494/9, 9494/24, 9634/1 i 9637 k.o. Bihać grad pod posl brojem: 03/1-23-1-365/19 od 05.04.2019. godine.

Odredbom člana 14. stav 4) Zakona o eksproprijaciji („Službene novine F BiH“, broj: 70/07, 36/10, 25/12 i 34/16) regulisano je da odluku o utvrđivanju javnog interesa za izgradnju objekta ili izvođenje radova na području Grada donosi Gradsko vijeće na čijem se području namjerava graditi objekat ili izvoditi radovi u skladu sa planskim dokumentima prostornog uređenja.

Za predmetno područje nije donesen regulacioni plan ili urbanistički projekat zbog čega je bilo potrebno utvrditi da je izgradnja kanalizacije za oborinske vode i ispuštanje voda u zacijevljeni dio potoka Drobinica, Grad Bihać od javnog interesa.

S obzirom da bi se izgradnjom kanalizacije za oborinske vode i ispuštanje voda u zacijevljeni dio potoka Drobinica, Grad Bihać poboljšao kvalitet površinskih voda, predlažem da se utvrdi javni interes za isto.

### III FINANSIJSKA SREDSTVA

Za realizaciju ove Odluke korisnik eksproprijacije, „JU Zavod za prostorno uređenje“ Bihać obezbjedio je finansijska sredstva.

S obzirom na navedene propise smatram prijedlog Odluke o utvrđivanju javnog interesa za nepotpunu eksproprijaciju nekretnina radi izgradnje kanalizacije za oborinske vode i ispuštanje voda u zacijevljeni dio potoka Drobinica, Grad Bihać u korist „JU Zavod za prostorno uređenje“ Bihać, opravdanim i predlažem da se usvoji u prezentiranom tekstu.

Voditelj postupka  
Ediba Velić dipl.pravnik

Gradonačelnik  
Šuhret Fazlić

Na osnovu člana 14. stav (4) Zakona o eksproprijaciji („Službene novine Federacije BiH“, br. 70/07, 36/10, 25/12 i 34/16) i člana 35. tačka j) Statuta Grada Bihaća („Službeni glasnik Grada Bihaća“, br. 13/15, 13/18), Gradsko vijeće Bihać na \_\_\_\_ sjednici održanoj dana \_\_\_\_\_2019. godine, donijelo je

## O D L U K U

o utvrđivanju javnog interesa za nepotpunu eksproprijaciju nekretnina radi izgradnje  
kanalizacije za oborinske vode i ispuštanje voda u  
zacijevljeni dio potoka Drobinica, Grad Bihać u korist „JU Zavod za prostorno  
uređenje“ Bihać

### I

Utvrđuje se da je od javnog interesa izgradnja kanalizacije za oborinske vode i ispuštanje voda u zacijevljeni dio potoka Drobinica, Grad Bihać te da se u tu svrhu može pristupiti nepotpunoj eksproprijaciji nekretnina označenih kao:

-dio u površini od 10 m<sup>2</sup> k.č.br. 9494/9 zv. „Dobrinica“ Potok površine od 29 m<sup>2</sup>, upisana u Pl. broj 1324 k.o. Bihać grad kao posjed Društvena svojina vode sa dijelom od 1/1 po novom katastarskom operatu, a kojoj po starom katastarskom operatu odgovara dio k.č.br. 3/111 zv. „potok Dobrinica“; Potok površine 10351m<sup>2</sup>, upisana u zk. ul. broj 16 k.o. SP\_Bihać kao Javno dobro sa dijelom od 1/1,

-dio u površini od 25 m<sup>2</sup> k.č.br. 9494/24 zv. „Dobrinica“ Potok površine od 190 m<sup>2</sup>, upisana u Pl. broj 1324 k.o. Bihać grad kao posjed Društvena svojina vode sa dijelom od 1/1 po novom katastarskom operatu, a kojoj po starom katastarskom operatu odgovara dio k.č.br. 3/111 zv. „potok Dobrinica“; Potok površine 10351m<sup>2</sup>, upisana u zk. ul. broj 16 k.o. SP\_Bihać kao Javno dobro sa dijelom od 1/1,

- dio u površini od 830,00 m<sup>2</sup> k.č.br. 9634/1 zv. Ul. Ante Rukavine;Ulica površine od 10270 m<sup>2</sup>, upisana u Pl. broj 1323 k.o. Bihać grad kao posjed Državna svojina Javni nekategorisani putovi sa dijelom od 1/1 po novom katastarskom operatu, a kojoj po starom katastarskom operatu odgovara dio k.č.br. 1296/2 zv. Put; put površine 1320 m<sup>2</sup>, upisana u zk. ul. broj 16 k.o. SP\_Bihać kao Javno dobro sa dijelom od 1/1,

- dio u površini od 1140,00 m<sup>2</sup> k.č.br. 9637 zv. Ul. Braće Šarića;Ulica površine od 10619 m<sup>2</sup>, upisana u Pl. broj 1323 k.o. Bihać grad kao posjed Državna svojina Javni nekategorisani putovi sa dijelom od 1/1 po novom katastarskom operatu, a kojoj po starom katastarskom operatu odgovara dio k.č.br. 1296/2 zv. Put; put površine 1320 m<sup>2</sup>, upisana u zk. ul. broj 16 k.o. SP\_Bihać kao Javno dobro sa dijelom od 1/1.

### II

Utvrđuje se da je „JU Zavod za prostorno uređenje“ Bihać korisnik eksproprijacije zemljišta iz tačke I ove Odluke.

### III

Protiv ove Odluke se može pokrenuti upravni spor podnošenjem tužbe Kantonalnom sudu u Bihaću u roku od 30 dana od dana prijema ove Odluke. Tužba se podnosi neposredno sudu.

Gradsko vijeće

Broj:

Bihać, 2019.godine

Predsjedavajući Gradskog vijeća  
Davor Župa